

# Myutu'ukpɛ Neky Di'ibɛ Peedru Jyaay

**1** <sup>1</sup>Ūj Peedru, Jesukristu 'yapóstulu, ja'a njuna'anum ko tɛ xukyéxyuts. Ndukniɟajxtɛptsɛ tyadu neky di'ibátyuty kyaj ñaky'ittɛ ma yɛ Israelɛ ñaxwíñɛdu, es tsyɛnɛdu omyaaty ma yɛ ñaxwíñɛdu: Pontɛ, Galasyɛ, Kapadosyɛ, Asyɛ esu Bitiñɛ. <sup>2</sup>Dios Teety mwin'ijxɛdu éxtumɛ jawyiin tniɟa'aju es ttuknibujtáku. Espírítu Santu myuk'ajtungyujxm myajpɛjtáktu Diosu jya'ay, esu du'an xymyɛmudówdɛt ja Dios es mwa'atstɛt mɛt ja Jesukristu ñe'pyñ. Wa'an ja Dios ni'igu mgunu'xɛdu es mmo'oyɛdu ja agujk'ajt jotkujk'ajtɛn.

## “N'ok'awdajtam ja Dios”

<sup>3</sup>N'ok'awdajtam ja Dios, Nindsun'ajtam Jesukristu Tyeety, di'ibɛ tɛ xytsyojkm es xypya'ayo'om es xyajmi'in xyajjajtam jemy es xytyuk'awijxɛm ja jiky'ajtam di'ibɛ winɛ xɛn winɛ tiempɛ, ja'a ko ja Nindsun'ajtam Jesukristu jyikypyejky jatɛgok. <sup>4</sup>Paaty ɛdsajtam n'awijx njajp'ijxɛm ko Dios xymyo'oya'anum ja kuma'añ di'ibɛ pɛjke'eky ya'ijtypy tsajpótɛ, di'ibɛ kyaj mbaat kyutɛgoy, ni mbaat kya'axɛugɛ es ni mbaat kyani'xy éxtumɛ pɛjy o aay ujtsɛn. <sup>5</sup>Ja'a ko xymyɛbuktu Dios, yɛ'u mguwa'anɛdɛp mɛt ja myuk'ajtam maanum xy'awixtu ja tiempɛ ma yɛ'u dya'ixa'añty ja ñitsokɛn, di'ibɛ myɛdajtypy pɛjke'eky koonum myínɛt ja tiempɛ di'ibɛ tim óknɛm.

<sup>6</sup>Paaty miits mjantsy'it mjantsyxyondɛ, oyɛ daa kanak peky ayo'on jotmay xyjapaadaambɛdu je'eyɛ waanɛ tiempɛ. <sup>7</sup>Ja'a ko miidsɛ mmɛbujkɛnɛty, du'an éxtum ja oorɛ di'ibɛ ya'ijxmatsaamp mudɛ juun es ya'ixɛt pɛn oyɛ du'an. Ja mɛbujkɛn di'ibɛ myɛmadakypy ko ya'ijxmátsy, waanɛ ni'igu tsobaaty kudiinɛm ja oorɛ di'ibɛ kujx najxp, es du'an miidsɛdu mmɛbujkɛnɛty ko du'an ya'ijxmátsɛt, mbaadɛdɛp miidsɛty ja mɛj'ajtam es ja windsu'kɛn es myajniɟajxɛt oy ko Jesukristu myínɛt.

<sup>8</sup>Oy xykya'ixtu ja Jesukristu, mdsojktɛp miidsɛty ja'a; es oy yɛ'u xykya'ixtu, mmɛbujktɛp miidsɛty yɛ'u es mjantsyxyonda'aktɛ éxtum kyaj yajpaaty ja ayuk w'ix mbaat yajkajxpɛdsémy, <sup>9</sup>mɛt ko xyajpɛdu'uktɛ ja pɛjta'aky di'ibɛ ma ja mmɛbujkɛnɛty, ja'a njuna'anum, m'axájɛdɛp ja m'anmɛjɛ'anɛ ñitsokɛn.

<sup>10</sup>Yɛ tyadu ñitsokɛn ja'a di'ibɛ Diosu kyugajxɛty 'yɛxpɛjktɛ es trayo'oydu, es yɛ'ujty junandu ko Dios mmo'oya'anɛdu ja kunu'xɛn.

<sup>11</sup>Yu Diosu kyugajxpuuty jyanijawuayandu na'a du'unu tyaadu es wi'ixu du'un jyata'añ. Es ja Kristu Jya'ajun yu'u naty ijtput mut yu'ujaty, es tyuknija'aju es koonum yu Kristu tmumada'agut ja ayo'on jawyiin es óknun t'axájut yu myuj'ajtun. <sup>12</sup>Peru Dios tyuknija'adu ja kyugajxpuuty ko yu tyadu kajxwíjun kyaj myut'y'u'u'áttu, ja'a es udsajtum nduk'oy'ajtum. Miidsuty tu xymuudowdu tyadu oybyu ayuk di'ibu tu m'an'u'umxudu mut ja myuk'ajtunu Espírítu Santu di'ibu tso'on tsajpótm, es extu yu ánkusuty jyanijawuayandu tyaadu.

### Wa'ats njiky'ajtum

<sup>13</sup>Paaty, miidsuty nidugékyuty, naybyujta'agudu wiy es pe'typty, es ya'óyudu yajxónu mjiky'ajtum. Awixtu mut winu mjot ja kunu'xun di'ibu m'axajuyándup ko Jesukristu myínut jatugok. <sup>14</sup>Extumu u'unuk unak'uty di'ibu mudoodup, mumudowdu miidsuty yajxón ja Dios. Katu mjiky'attu mut ja axuk adsojkun di'ibu mmudajttu ko naty kyajnum xyñijawudu wi'ix ja Dios ttseky es njiky'ajtum. <sup>15</sup>Jiky'attu wa'ats, ja'a ko Dios di'ibu tu mwin'ijxudu, wa'adsu'u; <sup>16</sup>tyaadu du'un kyaxypy ja Dios ma jyaaybyajtun: "M'ittup miidsuty wa'ats, mut kots uj nwa'adsuty."

<sup>17</sup>Ja'a ko xyTyeety'áttu ja Dios, di'ibu pyaye'epy nidu'uk nidu'uk, es kyaj wyin'ixy wyingéxyuty, naam m'akjiky'ajtpnum naxwiin, m'akjiky'áttup es xymuudowdu ja Dios, es xywyindsu'ugudut. <sup>18</sup>Mnija'adup éxtum tkubejty tkumudooy ja Dios es dyajtso'ogut ma tadu axuukpu jiky'ajtum di'ibu xytyukmúníkákum ja n'aptujk'ajtum. Pes ja Dios kyaj tkubejty ja nnitsokun'ajtum mut ja platu meeñ oorú meeñ di'ibu najxp; <sup>19</sup>jantsy tsooxu Dios mgujuuyudu es mnitso'oktat ko mbojpu tkubejty mudu Jesukristu ñe'pyñ di'ibu tyukwindsu'ku éxtum tu'ugu borreegu di'ibu ni tii tkamudaty ja axuk'ajtum. <sup>20</sup>Jékyup ja Diosu du'un ttuknibujtáku kyajnumu naty dyajkojy ja naxwíñudu, per tyam ma tyadu xuu winu tiempu ko yu naxwíñudu kyuxannu, tu kyuxe'eky miits m'oy'ajtangyujxmuty. <sup>21</sup>Es Jesukristakyujxm xymuubuktá Dios, di'ibu jajikyupyujku ma 'ye'ky es tu tmo'oy ni'igu ja muj'ajtum, es du'un nmubujkum ja Dios es n'ajot'ajtum.

<sup>22</sup>Es mut ko tu xymuudowdu ja tuj'ajtum, tu xyajwa'atstu m'anmujá'an es mut winu mjot mnaydsyókudut nixim niyam, éxtum jyawu mdukkax'áttu. <sup>23</sup>Pesu myajmiin myajjajtudu jemy mut yu'ugyujxm ja Diosu 'yayuk di'ibu ijtput winu xuu winu tiempu; kyaj dyu'anaty éxtum ja jiky'ajtum di'ibu kujxp najxp, di'ibu m'axájudu ko mmiin m'ajttu naxwiin, <sup>24</sup>mut ko xytyuknija'am ja Diosu jyaaybyajtun ko jyana'añ:

Du'un ja ja'ayuty éxtum ja aay ujtsun,  
es ja myuj'ajtanuty éxtum ja aay ujtsu pyujyun.

Tatsp ja aay ujts es ja pyujy kya'ay;

<sup>25</sup>peru Dios 'yayuk, ijtup winu xuu winu tiempu.

Esu tyadu ayuk ja'a ñigaxypy ja nitsokun di'ibu tu myajtukmudowdu.

**2** <sup>1</sup>Paaty miidsuty, mastu'uttu tugekyu axuk'ajtum. Kyaj pán xywyin'uundut. Katu nan nugoobu je'eyu m'akjana'andu ko xymuubuktá Dios, mya'ixudubu du'un mut ja mgu'am jiky'ajtum, es katu xyñaywyinnaxujawudu mut tii. Mastu'uttu tugekyu pi'tskajxy.

<sup>2</sup>Éxtamu maxu'ungu'unguty jantsy tsi'idsaamp, du'un miidsuty nandu'un xtysoóktut ja Diosu 'yayuk, es du'un xymyuaak xymyubátut ja Diosu ñu'u tyu'u es xymyudátut ja nitsokun, <sup>3</sup>mut ko tu xyñijáwudu ko Nindsun'ajtam jyantsy'óyaty mut udsajtam.

### Du'un ja Kristu éxtamu tsaa jiikyryu

<sup>4</sup>N'okmüwingo'onam udsajtam ja Jesús. Yu naxwíñudu ja'ayaty tu 'yaxtíjudu, peru Dios jyantsytsyejpy es tu twin'ixy, es dyajtúñ éxtamu tsaa jiikyryu ma potsy ujx. <sup>5</sup>Xyajtu'unam udsajtam nandu'un éxtam ja tsaa jiikyryu, di'ibu maut ja potsy dyajpéty ma Dios tsyuanhaya'añ. Ma tadu tsunaadyákn, ja Jesukristu tu xpyujtákm éxtamu teetytyujkuty, wa'ats ja'ay, es nwindu'kum ja Dios, es n'awdajtam mut ja njot'ajtam es mudu n'anmaja'an'ajtam, es ja Dios 'yaxájup yu n'awdajtan'ajtam éxtamu windsu'kun di'ibu yu'u tsyejpy. <sup>6</sup>Paadyu Dios jyanañ ma ja jyaabyajtan: ¡Ixtu! Uj nbajta'agyuts ma Syon kajpn tu'ugu tsujpu tsaa ma potsy ujx, di'ibuts uj tu nwin'ixy.

Di'ibu 'yaxájudup, ni na'a tkamudátut ja tsoydu'un.

<sup>7</sup>Es mut miidsuty di'ibu myubajktup, tadu tsaa myudajtypy kajaa yu muj'ajtan; per mut di'ibu kyaj tmabaktu, kyuydyimbyu tyaadu éxtam jyana'añ ja Diosu jyaabyajtan:

Ja tsaa di'ibu ja pojtspu kyaj ttsojktu,  
tu net jya'ty ma ja tujk t'ujx'áty.

<sup>8</sup>Es nandu'un yajkuudyúñ jatu'uk ma jyana'añ:

Tyaadu du'un ja tsaa di'ibu yajtukkunajrup es yajkudáy.

Tyukkunajrudup yu'ujaty di'ibu kyaj tkupaktu ja Diosu 'yayuk, mut ko du'unu dan tu pyujta'agudu Dios.

<sup>9</sup>Peru Dios tu mwin'ixudu miidsuty di'ibu myubajktup, mmuduundup ja Rey éxtamu teetytyujkuty, wa'ats ja'ayaty miidsuty, ja'ay di'ibu Dios ja'ay'ajtudup. Yu'u mwin'ijxudu es xykxjwa'xut ja oybyu tuunk di'ibu yu'u tu trujta'aky, mut ko mdukniwoodu'udyaty ko m'ijttu ma ja koots'át, es myajnejxyaty jiky'ajtrp ma ja jyájunu tsujpu. <sup>10</sup>Tuuyup kyajpu Dios mja'ay'átudu, per tyam situy yu'u mja'ay'ajtudup; tuuyup kyaju Dios mba''ayówudu, per tyam tu mba''ayówudu.

### Ayo'on yajmumada'aky mut ja ma'xtujkun

<sup>11</sup>Mügu'ugítaty, nmunu'xtáktupts miidsuty, éxtam jabye'xyjya'ay ma wiink nax wiink kajpn, katu xy'anujx xy'a'oogudu di'ibu ja nini'x kubajk tsyejpy, di'ibu myudsip'ajtypy ja n'anmaja'an'ajtam. <sup>12</sup>Mudattu oybyu mjet mwinma'añ mut ja di'ibu kyaj t'ixy'attu Dios, es du'un yu'ujaty, oy tyam mjaniwaaambajttubu nanatukukyujxm éxtamxyup m'axukja'ay'áttu, 'yíxtup ja oy'ajtan di'ibu miits mduundup, es ko ja'ay yajpayo'odyut, net t'awdátut ja Dios.

<sup>13</sup>Nindsun'ajtamgyujxm mämudowdu púnaty yajkutujkp ya naxwiñ, du'un ja yajkutujkpókóp, mut ko yu'u waanu kujxm ja kyutujkun, <sup>14</sup>es púnaty ana'amdup kyutujkun patku'uy, púnaty kyejxypy es ttukmudówt di'ibáty axuuk adástup es oy tñimadya'agut di'ibáty oy tuundup. <sup>15</sup>Mut

ko Dios tseyjpy es miidsuty oy xytyúndut, es da'un xya'amóndut di'ibu nanatukúkyujxm mniwaambajtudap.

<sup>16</sup>Jiky'attu miidsuty éxtum di'ibu kyaj myudúñ ma wiink ja'ay, es katá mnaybyujta'agada kuuun ma ti xytyuna'andut axuuk. Jiky'attu éxtum ja Diosu myuduumba. <sup>17</sup>Windsu'ugada mujpa mutskpa. Tsokta mmamubajkruty. Windsu'ugada es awdattu Dios. Mujixtu ja yajkutujkpa kopk.

<sup>18</sup>Miidsuty di'ibu mduundap, windsu'ugada mwindsún mwindaj es mmudowdu, kyaj jya'ayuty je'eyu di'ibu oyjya'ayuty, nandu'un di'ibu ana'amp muk. <sup>19</sup>Ja'a da'un oy ko xymumada'aktá ko nanuooobu mya'ayowudu, ja'agyujxm ko xñijáwudu ko Dios 'yijxypy. <sup>20</sup>Per pun miits mduundap ti oyn'unun axuuk, es mat ja ma'xtujkun xymumada'aky ko mdukkumadóyuty, ¿ti oy'ajtunu dnu taadu? Per pun m'ayoodap mat ko ti oy tá xytyuñ, es mmamadáktap mat ja ma'xtujkun, tyadu da'unu Dios 'yoyjya'ap. <sup>21</sup>Paadyu Dios xywyo'om es da'un nma'xtujkam, ja'a ko Kristu 'yayooy mat adsajtumgyujxm, es xymyo'oyum tu'ugu ixpajtun es nbadu'unum ya'u. <sup>22</sup>Jesukristu kyaj pyekytyuñ es ni na'a tkawin'u'ñ pún. <sup>23</sup>Ko pún wi'ixáty 'yanmaayu, kyaj wi'ixáty 'yadsoojumbijty; ko tsaatsytyuunudu, kyaj t'adsu'kudu, je'eyu ttukkudajka ja Dios, di'ibu pyaye'epy mat ja táy'ajtun. <sup>24</sup>Kristu ja nbojpu'ajtum myunajx ma ñini'x kruuzkujxm. Da'un ttuñ es n'ijtum éxtumu o'kpa ko nbekytyuna'anum es njiky'ajtum éxtum pyaadyuty, es da'unu Kristu 'yo'kungyujxm oj nwátsum ma ja nbojpu'ajtum, es tyam njiky'ajtum táy'ajtun muut, éxtumu Dios dyajngutúku. <sup>25</sup>Tuuyap da'un miits m'ijtu éxtum ja borreega di'ibu tá 'yuxyo'oy, pera tá mjumbittu ma Kristu, di'ibu mgwentu'ajtudap éxtum tu'ugu borreega kwentu'ajtpa.

### Wi'ix jyiky'áttut ja kasaaduty

**3** <sup>1</sup>Nandu'un miidsuty kasaadu toxytyujkuty, naydyukkudákudu ja mña'ay, es da'un, oy mña'ay tkamubakta ja Diosu 'yayuk, mduk'axájudap ja Jesukristu kyaj ja'agyujxm ko wi'ix xy'anuumudu, <sup>2</sup>ja'a da'un ko t'ixtut ko miits xyjiky'attu wa'atspa jiky'ajtun es windsu'kun muut. <sup>3</sup>Nayya'oy nayyajpaadudu. Kyajts ya'u n'andijy es xymumay xymudajtat ja mwiit mgu'uga jantsy oybyu, o wi'ixu mwaay mgubajkkujxy xyajtsujtákdut, o wi'ix ja mnini'x oy kyuxu'ugut mada oorá. <sup>4</sup>Ja tsuj'ajtun di'ibu kyaj ñaxy es ni'igu tsobatp Dios wyindum, ja'a ya'u ko ja'ay oyjyot oywyinma'añ tmadatta es jyiky'attu yuunk naxypy. <sup>5</sup>Pes da'un ñayyalijtudu tsuj ja wa'atspa toxytyujk jékyup, wyindsu'kudu ja Dios es ñaydyukkudajkudu ja ña'ay. <sup>6</sup>Da'unu Saaru, yu Abraanu ñudo'oxy, tmamudooy ja Abraan, es ttijy "nwindsún". Miits mja'ttup da'un éxtumu Saaru pun mduundap ja oybyu es kyaj ti xytsyu'ugudut.

<sup>7</sup>Es nandu'un miidsuty kasaadu yedyujkuty, muma'xtúktu mudo'oxyuty. Windsu'uga éxtum ya'u pyaadyuty. Kyaj jye'eyuty mat ko toxytyujkuty 'yamaayuty, per mat ko nandu'un tmadatta mat miidsuty ja jiky'ajtun di'ibu tá mmo'oyudu ja Dios mat ja kyua'mdsojkon. Tundu da'un, es net kudiibu ni tii mga'adsipudut ko mgajxta'áktut.

### Di'ibu ayoodup ko ttundu ja oybyu

<sup>8</sup>Di'ibuts uj tu njatuk'axpuka'andu nidugekyu miidsuty di'ibu myubajktup ja Kristu, yu'u tyaadu: Ittu ti'igyu, naymyama'xtukudu nixim niyam, naydsyokudu nixim niyam mut wina mjot, pa'ayowdu ja'ay, es tuda'aky'attu. <sup>9</sup>Ni na'a xykyayajjumbittut axuuk ko pan axuuk mdunudut, es ni xyky'aoojumbittut ko pan m'oojudut. Nik ni'igu kunu'xtu, mut ko Dios mwoojadu es xy'axajjudut yu kunu'xan. <sup>10</sup>Extum jyuna'an ja Diosu jyaabyajtan:

Di'ibu tsyejpy jyiky'ata'an oy es jeky,  
kyaj 'yanda'agut es kyaj axuk kajxy tkajxt;

<sup>11</sup>kyaj t'oktuunnut ja axuk'ajtan; ja'a tyunap ja oybyu,  
'yuxta'ayup ja ti'igyu'at, es kyaj jyiky'atut tsipoty.

<sup>12</sup>Mut ko Dios tam kywentu'atyuty ja ja'ay di'ibu jiky'ajtp tuy'ajtan muut,  
es myudo'oxuty ja kyajxtakun,  
per myudsip'ajtypy di'ibu axuuk adutstup.

<sup>13</sup>Pan amumdu'uk jot miidsuty du'unum xytyundu oy tugékyuty, ¿pan axuuk mdunudup? <sup>14</sup>Per pan m'ayoodup mut ko mjiky'attu wa'ats, Dios mgunu'xanudup. Kata pan xytsyu'ugudu es kata mmay mdajtu. <sup>15</sup>Mut wina mjot awdattu Kristu éxtumu mWindsun. Du'unum jup'ixy mnayya'itudut es xy'adsowdut panaty myajtajuudup ti ko xymyubaktu Dios, es ti m'awijx mjup'ijxtup. <sup>16</sup>Mudattu ja mjot mwinma'an wa'ats, es du'un ko pan mniwaambátudut nanatuku mut ko miits m'axpajkpu'atyuty ja Kristu, yu'ujuty ku'am wu'amda'aydyup tsoydu'un muut. <sup>17</sup>Es pan du'unu Dios ttseky es m'ayowdut, ni'igu 'yoyuty m'ayowdut ko mjiky'attu wa'ats, es kyaj m'ayowdut mut ja tudydu'unun ko mjiky'attu axuuk.

<sup>18</sup>Mut ko Kristu, oy ni ti peky tkatuuñ, tugok je'eyu mut wina xuu wina tiempu 'ye'ky ma jypatu n'o'kum udsajtam pekyjya'ayuty, es xytyukniwátsum ja nbojpu'ajtam es xyajnujxum wa'ats Dios wyindum. Oj 'yeeky ja Jesusu ñini'x, per Espiritu Santukyujxm jyikyppyeky. <sup>19</sup>Mudu 'yanmaja'an oj ñeexy ma ja anmaja'anuty di'ibu tsimy ijttup, es jap oj tkajxwa'xy ja Diosu 'yayuk, <sup>20</sup>ja anmaja'an di'ibu kyaj tmamudoodu ko Dios jya'awijxudu ma'xtujkun muut esxyup jyodumbijttu maanum ja No'ee naty dya'oyu ja arku, ma oj je'eyu niduktujk ja ja'ay tsoyo'oktu ko ja ayo'onduu myiñ. <sup>21</sup>Ja tadu nuu, du'un ja'a tpaty éxtumu nubajtan di'ibu xyajniitsókum. Ja nubajtan, kyaj yu'ujuty es nuugyujxm ja nini'x wyu'atsut, ja'a du'un esu ja'ay jyot wyinma'an wa'ats 'yittut Dios wyindum. Ja nubajtangyujxm niitsókum ja'agyujxm ko Jesukristu jyikyppyeky ma 'ye'ky, <sup>22</sup>di'ibu patujku tsajpótm es tyam 'yity aga'anndyoo ma Dios, es ootyim di'ibu ánkusuty es ootyim di'ibuty ja kyutujkanuty tmamudowdu ja Jesús.

### Naybyudujkum nixim niyam

**4** <sup>1</sup>Es du'un éxtum 'yayooy ja Kristu ya naxwiñ, nandu'un miits mudattu ja winma'an éxtum ko 'yayooy, ja'a ko di'ibu du'un tu 'yayooy ma ñini'x kyubajk, tu tmastutta'ay ja pyeky <sup>2</sup>es jyiky'atut éxtum ja Dios ttseky mabaadu jyiky'ajtan, es kyaj éxtumu ñini'x kyubajk ttseky.

<sup>3</sup>Tsya'a nadu'un ko mjiky'ajttu éxtum jyiky'attu pánuty kyaj tmudundu Dios, mjiky'ajttu éxtum mnini'x mgubajk ttsojktu, m'adsojktup tii, ami'ikyja'ay m'ijttu, je'eyu mgáxuty, es m'awdajttu ja agojwinnáx.

<sup>4</sup>Di'ibu ijty mmagu'uk'ajttup ma tyadu axuukpu jiky'ajttu, du'ánu tyam wyu'amudya'aydu mut ko kyaj ja'a muut xyñakypyanujxtu ko kyaj ñayjyujwjtsumbítudu, es mduk'ak'átudu. <sup>5</sup>Per yu'ujuty myugwentu'ajtypy ja Dios, mut ko Dios pyayo'oyaampy di'ibu jiky'ajttup es di'ibu o'ktu.

<sup>6</sup>Paaty oj yajkajwa'xy ja oybyu ayuk nandu'un ma di'ibáty o'ktu, es oy yajtydyúndu mudu o'kun ma ñini'x tmudajttu, du'un jyiky'áttut ja jya'ajan mudu Dios.

<sup>7</sup>Tuu wyingón esu ja'ay yajpayo'oydyut. Paaty miits ittu tuda'aky, wiy es mgajta'aktut. <sup>8</sup>Paaty wa'an t'ity nan ni'igu tsojku ma miidsuty, mut ko ma ja'ay ñaydsýókudu, may ja peky ñaydyuknima'xudu. <sup>9</sup>Es naymyo'oyudu nixim niyam yu jajttákn esu ka'ay ukun mut winu mjet.

<sup>10</sup>Naybyudákudu nixim niyam éxtum ja Dios tu mmo'oyudu nidu'ugátuty ja madakun. Yajtúndu yajxon ja kanak pekypu madakun di'ibu Dios tu mmo'oyudu. <sup>11</sup>Ko pán tkajwíjt ja myugu'uk, wa'an t'anuumu éxtum ja Dios tu tyuk'xpekyuty. Es ko pán ttukpuduku tii ja myugu'uk, wa'an ttuñ mut ja muk'ajtan di'ibu Dios tu myo'oyuty, es du'ánu Dios awdaty 'yítut Jesukristakyjxm ma tugekyu di'ibu ijtp. Wa'anu Dios tmudaty ja muj'ajtan winu xuu winu tiempu. Wa'an du'unuty.

### 'Yayowdu pánudyu Kristu myubujktup

<sup>12</sup>Magu'ugítuty, katu du'ánu mwu'amudu mut ja muk ayo'on di'ibu myajnajtup. Katu xywyinmaydyu es kyaj du'un jyátut di'ibáty myubujktup ja Kristu. <sup>13</sup>Ni'igu mxonda'aktut, mut ko pán du'un miits xytyukmuku ja Jesukristu 'yayo'on, nandu'un xytyukmúktut ni'igu ja xondakun ko naty myiñ jatugok. <sup>14</sup>Es pán ja ja'ayuty mduunudup axuuk mut ko xypyanujxtu Jesukristu, xonda'aktut, mut ko 'yity ma miidsuty ja Diosu Jya'ajan di'ibu ni'igu muj'ajtan myudajtypy. <sup>15</sup>Per ko m'ayówdut miidsuty, kyaj mut ko myajja'ay'ooktu, o mmaatstu, o m'axukja'ay'áttu, o m'abi'ts'áttu, o mut ko otyiity xytyuktákudu di'ibu kyaj mbaadudu. <sup>16</sup>Mut ko pán m'ayoodup ko Kristu mja'ay'átudu, kyaj tyadu tsyoydu'unuty; ni'igu xy'awdáttut ja Dios mut ko miits mja'ay'átudu Kristu.

<sup>17</sup>Mut ko tu tpaaty ja tiempu ma Dios tpayo'oya'an ja jya'ayuty; es pán tsondakp ja Diosu pyayo'oyun mut udsajtam, tny'ajtanu'u ko 'yakjata'andu di'ibáty kyaj tkupaktu ja oybyu ayuk di'ibu Dios kyajx. <sup>18</sup>Yu'u dnu tyadu di'ibu 'yandijpy ja Diosu jyaabyajtan ma jyuna'an: "Pán tsip es ñitso'ogut ja ja'ay di'ibu jiky'ajtp tny'ajtan muut, ¿ti jatánudup ja pekyjya'ay es pánuty kyawindsu'kudup ja Dios?" <sup>19</sup>Paaty pán yu'u tsyojkun'ajtypy ja Dios es n'ayo'om, n'okjiky'ajtam yajxon, éxtum dyajngutúku ja Dios di'ibu xyajkójum es kyuydyiimpy di'ibu kyajxypy.

### Wi'ix yajkajwijtu ja mubujkputujk

**5** <sup>1</sup>Nmanu'xtáktupts ja mājja'aydyujkuty ma mnaymyúkudu. Pes uj nandu'un mājja'ay éxtum miidsuty. Taptu naty uj n'ixy ja Kristu

ko 'yayooy ma ja kruuz es 'ye'ky, es uj nandu'un ndukmukaambyuts mat miidsuty ja muj'ajtun di'ibu óknun niguxu'ugaamp. <sup>2</sup>Paaty nmunu'xta'aktu, ko éxtam ja borreegu kwentu'ajtpa dyajju'xe'eky yajxon ja byorreegaty, nandu'un miits xkywentu'áttut ya ja'ayuty di'ibu Dios tu mdukkadákuda. Tundu du'un xonda'aky'aa xonda'akyjyót, éxtamu Dios ttseky, es kyaj mat ko tu myajtuk'ana'amdu o mat ko mmeen'ook'áttu. <sup>3</sup>Katu je'eyu xy'ana'ama'andu ja ja'ayuty di'ibu Dios tu mmo'oyaty es xkywentu'áttut, ni'igu yajxon m'íttut mat yu'ujaty éxtamu ijxpajtun. <sup>4</sup>Mat ko du'un xkyuydyúndut, es ko myínat ja Borreegu Kwentu'ajtpa Wyindsán, ja'a njuna'anun Nindsun'ajtam Jesukristu, mmay'atánudap. Per kyaj mmo'oya'anudu ja ujts aagyoronu éxtam di'ibu ya naxwiiñ naymyooyudap ja ja'ayuty ko gyanarattu ma pyuy'kkixyudu. Tyadu koronu pójuna ñi'xta'ay. Peru di'ibu Dios xmyo'oyam, ijtp winu xuu winu tiempu.

<sup>5</sup>Miits uná'ktujkuty, mamudowdu ja mujja'ayduujkuty; es nidugekyu miits mujja'ayduujkuty es uná'ktujkuty, naybyudákuda nixim niyam mat ja tuda'aky'át, mat ko

Dios myudsip'ajtypy ja di'ibu mujpátap,  
per pyudjkup pánaty yuunk naxyry ja'ay'ajttap.

<sup>6</sup>Paaty yuunk náxyryudu Dios wyindum, es du'un ja'tap ja tiempu ma Dios mya'ita'anudu muj. <sup>7</sup>Tukkuduku tugekyu Dios di'ibu mjotmay'ajtypy, mat ko yu'n naydyukjotmayduunap mat miidsuty.

<sup>8</sup>Jiky'attu miits tuda'aky es wjy, mat ko yu mmudsip, ja mjk'u'ugópk, du'un jyudity éxtam ja kaa myu'uy mat ja yuu es t'uxta'ay ti 'yokju'xap.

<sup>9</sup>Tukmumada'aktu ja mjk'u'ugópk ja'agyujxm ko xmyubuktu Dios, ja'a ko xyñijáwudu ko du'un 'yayoodap ja mmumubjkpaty oytyim maaty. <sup>10</sup>Paaty ko naty miidsuty tu m'ok'ayowdu waanu, Dios najx mjajwijsumbítadu oy, myuj myáuyt ja mmubjkunaty, es oy xyñijáwudut ko Dios mdsókuda. Yu Dios xkyunu'xum muj wiin kajaa, es xywo'om es ti'igyu n'ijtam mudu Jesukristu ma myuj'ajtun winu xuu winu tiempu. <sup>11</sup>Myudajtypy yu Dios ja muj'ajtun winu xuu winu tiempu. Wa'an du'unuty.

### Kajxpo'xun

<sup>12</sup>Ma tyadu neky tu nnijáyudu miidsuty, nyajtúnats ja Silvanu éxtamu uskribaan, nmumubjkp'ajtam es nmugu'uk'ajtam di'ibu oy tmadúñ ja Nindsun'ajtam. Tu nnijáyudu tuk aa majtsk aa es mjotkujk'áttut, es n'anunmudu ko di'ibu nduknija'ayudap, ja'a du'un ja Diosu myay'ajtanu t'ajtanbu, es ko du'un mjiky'áttut.

<sup>13</sup>Es éxtam ja Dios tu mwin'íxudu miidsuty, nandu'un tu yajwin'íxtu yu mmumubjkpaty di'ibu naymyujkudap Babiloñ. Nidugekyaty yu'ujaty mduknigáxudu Dioskajxy. Esu Markus di'ibuts nja'ap éxtamsu n'u'ungun, nandu'un mduknigáxudu Dioskajxy. <sup>14</sup>Naygyajxpo'xudu nixim niyam es naymyunánudu éxtam tukka'axpən. Wa'an ja Dios mmo'oyudu jotkujk'ajtan miidsuty di'ibu Jesukristu jya'ay'ajttap.